

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«--» -----2023թ.

N ----Ա

ՈՐՈՇՈՒՄ

ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ՕՀԱՆՈՎԻ ՓՈՂՈՑ Հ. 64 ՇԵՆՔԻ Հ. 9/1 ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2022 թվականի դեկտեմբերի 27-ի «Երևան քաղաքի սեփականություն համարվող գույքն օգտագործման տրամադրելու և օտարման 2023 թվականի ծրագրի վերաբերյալ» հ.694-Ն որոշման հավելվածի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին Երևան համայնքի սեփականություն համարվող Օհանովի փողոցի հ.64 շենքի հ.9/1 բնակարանն անհատույց սեփականության իրավունքով օտարել (նվիրել) Անժիկ Միրզայի Նորեկյանին, Վարդան Հրաչյայի Մամիկոնյանին և Սամվել Հրաչյայի Մամիկոնյանին:

**ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ**

Լ.ՀՈՎՀԱՆՆԻՍՅԱՆ

Տ Ե Ղ Ե Կ Ա Ն Ք – Հ Ի Մ Ն Ա Վ Ո Ր ՈՒ Մ

«ԵՐԵՎԱՆ ՀԱՄԱՅՔՆԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ՕՀԱՆՈՎԻ ՓՈՂՈՑ Հ. 64 ՇԵՆՔԻ Հ. 9/1 ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Նախագծով նախատեսվում է Երևան համայնքի սեփականություն համարվող Օհանովի փողոց հ.64 շենքի հ.9/1 բնակարանն անհատույց սեփականության իրավունքով տրամադրել Անժիկ Միրզայի Նորեկյանին, Վարդան Հրաչյայի Մամիկոնյանին և Սամվել Հրաչյայի Մամիկոնյանին:

Օհանովի փողոցի հ.64 շենքի հ.9/1՝ 12,65 քմ մակերեսով բնակարանը, համաձայն գույքի նկատմամբ իրավունքների պետական գրանցման 24.10.2011թ. հ.2711592 վկայականի տվյալների, հանդիսանում է Երևան համայնքի սեփականություն:

Օհանովի փողոցի հ.64 շենքի հ.9 բնակարանը (նախկին հասցեն ՀԱԹ, Ա-3 թաղամաս, 46 շենք, բն.9) Ժողովրդական դեպուտատների Երևանի Շահումյանի շրջսովետի գործադիր կոմիտեի կողմից տրված 16.02.1983թ. հ.113809 օրդերի համաձայն՝ հատկացվել է Հրաչյա Հրանտի Մամիկոնյանին և վերջինիս ընտանիքին՝ կնոջը՝ Անժիկ Միրզայի Նորեկյանին, որդիներին՝ Վարդան Հրաչյայի Մամիկոնյանին և Սամվել Հրաչյայի Մամիկոնյանին:

Ընտանեկան անախորժությունների պատճառով Անժիկ Նորեկյանը դիմել է դատարան՝ խնդրելով իրեն և իր երեխաներին ընդհանուր բնակարանից հատկացնելու առանձին բնակարանային տարածք: Շահումյանի շրջանային Ժող.դատարանի 10.04.1984թ. հ.2-759 վճռով վերոնշյալ բնակարանի երկու սենյակները հատկացվել են Անժիկ Նորեկյանին իր երկու երեխաների հետ միասին բնակվելու համար, իսկ մեկ սենյակը հատկացվել է Հրաչյա Մամիկոնյանին մեկ անձով բնակվելու համար, կոմունալ և օժանդակ հարմարությունները թողնվել է կողմերին համատեղ օգտագործելու համար:

25.11.1987թ. ամուսինները ամուսնալուծվել են:

27.08.2007թ.-ին Անժիկ Նորեկյանը սեփականացրել է ընդհանուր բնակարանի երկու սենյակները, իսկ Հրաչյա Մամիկոնյանի չսեփականաշնորհված մեկ սենյակը դարձել է Երևան համայնքի սեփականությունը և քաղաքապետի 25.05.2011թ. հ.2119-Ա որոշմամբ տրվել է նոր հասեց՝ Օհանովի 64 շենք բն. 9/1:

Ըստ «Գավառ» համատիրության կողմից տրված արձանագրության՝ Հրաչյա Մամիկոնյանը 1987թ.-ից մինչև իր մահը՝ 2022թ. չի բնակվել իրեն հատկացված սենյակում: Վերջինս հաճախակի գտնվել է ՀՀ տարածքից դուրս: Նույն արձանագրությամբ և տեղեկանքի համաձայն Անժիկ Նորեկյանը իր երկու որդիների հետ 1983թ. առ այսօր բնակվում և տիրապետում են Օհանովի փողոց 64 շենքի բն. 9, այդ թվում նաև 9/1-ը, որը տիրապետվել է Հրաչյա Մամիկոնյանի համաձայնությամբ և

թույլտվությամբ: Մասնավորապես այդ սենյակը տիրապետում է Հրաչյա Մամիկոնյանի կրտսեր որդին՝ Սամվել Մամիկոնյանը, որը երկրորդ կարգի հաշմանդամ է և ունի առողջական խնդիրներ:

Ըստ անձնագրերի և վիզաների վարչության Մալաթիայի բաժանմունքի կողմից ներկայացված տեղեկանքի, Անժիկ Նորեկյանը (1983թ.), Վարդան Մամիկոնյանը (2000թ.) և Սամվել Մամիկոնյանը (2005թ.) հաշվառված են Օհանովի փողոց հ. 64 շենք հ. 9 բնակարանի հասցեում: Նույն բնակարանում հաշվառված են նաև Վարդան Մամիկոնյանի ընտանիքի անդամները:

ՀՀ կադաստրի կոմիտեի աշխատակազմի տեղեկատվական տեխնոլոգիաների կենտրոնն ստորաբաժանման կողմից ներկայացված տեղեկատվության համաձայն՝ քաղաքացիներ Անժիկ Նորեկյանի, Վարդան Մամիկոնյանի և Սամվել Մամիկոնյանի անվամբ ք. Երևան Օհանովի 64 շենքի բն. 9 հասցեի նկատմամբ գրանցված է ընդհանուր համատեղ սեփականության իրավունք, իսկ վերջին հինգ տարիների ընթացքում վերոնշյալ քաղաքացիների կողմից ՀՀ տարածքում կնքված անշարժ գույքի նկատմամբ ձեռքբերման կամ օտարման գործարքներից ծագող իրավունքի պետական գրանցում կատարված չէ:

Երևան քաղաքի ավագանու 2022 թվականի դեկտեմբերի 27-ի հ. 694-Ն որոշման հավելվածի /Ծրագրի/ 3-րդ կետի համաձայն՝ Երևան քաղաքի սեփականություն համարվող գույքը կարող է անհատույց օտարվել միայն Երևան քաղաքի ավագանու որոշմամբ, բացառությամբ՝ Ծրագրի 4-րդ կետի:

Ծրագրի 4-րդ կետով նախատեսված իրավական և /կամ/ փաստական հանգամանքների առկայության դեպքում Երևան քաղաքի սեփականություն համարվող բնակարանները, բնակելի տները և բնակելի տարածքները կարող են սեփականության իրավունքով անհատույց փոխանցվել քաղաքացիներին Երևանի քաղաքապետի որոշմամբ:

Հաշվի առնելով այն հանգամանքը, որ տվյալ դեպքում բացակայում են Երևան քաղաքի ավագանու 2022 թվականի դեկտեմբերի 27-ի հ. 694-Ն որոշման հավելվածի /Ծրագրի/ 4-րդ կետի 1-ից 7-րդ ենթակետերով նախատեսված իրավական և /կամ/ փաստական հանգամանքերը, ուստի անհրաժեշտություն է առաջացել ընդունելու Երևանի ավագանու համատասխան որոշում:

ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,

ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ

Լ.ՀՈՎՀԱՆՆԻՍՅԱՆ

ՏԵՂԵԿԱՆՔ

**«ԵՐԵՎԱՆ ՀԱՄԱՅՔՆԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ՕՀԱՆՈՎԻ ՓՈՂՈՑ
Հ. 64 ՇԵՆՔԻ Հ. 9/1 ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ
ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ
ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ
ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող Օհանովի փողոց հ. 64 շենքի հ. 9/1 բնակարանն անհատույց օտարելու մասին» որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

**ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ Լ. ՀՈՎՀԱՆՆԻՍՅԱՆ**

ՏԵՂԵԿԱՆՔ

**«ԵՐԵՎԱՆ ՀԱՄԱՅՔՆԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ՇԵՐԱՄԻ ՓՈՂՈՑ Հ.64
ՇԵՆՔԻ Հ. 9/1 ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ
ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ
ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ
ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող Օհանովի փողոց հ.64 շենքի հ.9/1 բնակարանն անհատույց օտարելու մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն առաջանում:

**ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ**

Լ.ՀՈՎՀԱՆՆԻՍՅԱՆ